

Talepapir – workshop 1 KAL

Workshop 1
Slide 1 – Tikilluaqqusineq Qujanaq unnummut takkussinnaagassi meeqqat ataatsimoorfii pillugit sinaakkusiinermi piviusunngortitseqataanissinnut. Ilisaritinnginnitsinni eqqaalaassavara unnuup ingerlanerani ataasiarluta pausessangatta, unnuulli ingerlarngani kaffemik/tiimik kaageeqqanillu aalliinnartarsinnaavusi. Aamma unnuup ingerlanerani Social Mediamut atugassatsinnik assiliillattaassaagut, assilitinnermi ilarusunngikkuit pausemi uagutsinnut oqaatigiinnarsinnaavat. Siullermik uagut saqqummiisussat immitsinnut ilisaritilaassaagut: Kista, Aviaq & Mette
Slide 2 Suleqatigiit - Logoer Suliniuterput ateqarpoq Ataatsimoorluta Aalasa, Aalasallu ataaniilluni. Aalasa tassavoq GIF-p anguniagaa 2030-mi nunarsuarmi inuiaqatigiinni timimik aalatitsinerpaanngornissamut attuumassuteqartoq. Ataatsimoorluta Aalasa meeqqanut naatsorsuutaavoq. Ataatsimoorluta Aalasa pilersinneqarpoq meeqqat amerlanerusut inuunerinnerulernissaat aalanerulernissaallu anguniarlugu. Anguniarparput suliniummik meeqqat ataatsimoorfimmi toqqissisimallutillu peqataatinneqassasut. Taamaallaat anguniarparput angusinnaavarput ilissi suleqatigalusi. Ilissimi pingaanerpaavusi! GIF UNICEF-illu suliniut aallartitaraat, suleqatigalugit Paarisa, Innuttaasut Peqqissusianik Ilisimatusarfik aammalu kommunit. Qeqqata Kommunianni KNI pilotprojektip ingerlanneqarneranut tapiisuuvoq Suliniummullu tamakkiisumik tapiisuuvoq Nordea Fonden.
Slide 3 Ullormut pisussat Ullumi eqqartugassagut tassaapput
Slide 4 Ataatsimut takorluugaq (video takoqqaarlugu) Meeqqatsinnut, kinguaariit tullernut ingerlatitseqqinnissatsinnut inersimasunit ataatsimoorfiit peqataatitsisut aamma toqqissisimanartut pisariaqartippagut. Takorloorparput nunarput ataatsimoorfiusumik ajunnginnerusumillu ineriartussasoq, takorluugarpullu pitsaanerusumik ineriartortissagutsigu tamatta suleqatigiittariaqarput. ILISSI tassaavusi takorluukkatsinnut piviusunngortitseqataasinnaasut – ilissi illoqarfissinni aamma meeqqanik ilisimannittuuvusi, taamaammat takorluukkatsinnut piviusunngortitsinissamut pingaernerpaat! Ilissimi meeqqat qanimut sullilugillu sammisaqartitsisuuvoq, pitsaanerpaamullu allanngueaqataanissamut sinaakkusiisuullusi.
Slide 5 Illit ataatsimoorfiit (kortit atorlugit eqqartuittitsineq ca. 10 min) Massakkut assimik tigusissaatit. Asseq ataatsimoornermut illit tulluartitat toqqassavat. Iloqqasunngoriarluta asseq tigusat pillugu ilatit nassuiaatissavatit sooq taanna toqqarnerlugu.

Assit tigusaqut tamarmik assigiinngitsuupput, uanilu toqqakkatta takutippaa inuit tamatta assigiinngitsuugatta, aammalu tamatta inissaqartugut - isumatigiikkuta isumaqatigiinngikkuttaluunniit.

Slide 6 Meeqqanut isiginnittaaseq - isiginnittaaseq nutaaq nutaanngitsorlu

Meeqqanut isiginnittaaseq nutaanngitsorlu:

Meeraq ajortulioraangat – kukkusutut isigineqartarpoq.

Naveerneqassaaq, pillarneqarluniluunniit ajunngitsumik ingerlaqqullugu.

Assersuutitut – Timersornermi/sungiusarnermi tusarnaanngitsut allamut saattaqattaartut bænkimut ingitinneqartarput, naveerneqarlutilluunniit.

Meeqqanut isiginnittaaseq nutaaq:

Meeraq pisinnaasani tamaat ajunngitsumik iliorniartarpoq.

Meeqqap nalaatani misigisimasani aallaavigalugit qisuariaatai takussutissaapput - Meeraq piaaraluni kukkuniarsarisannngimmat naviigassaannngilaq.

Assersuut - Timersornermi/sungiusarnermi tusarnaanngitsut allamut saattaqattaartut peqquteqartarput, peqqutaa naluarput imaassinnaasoq aqqutaani meeraq qinngasaarneqarsimasooq, angajoqqaavi assortuussimasut, il.il.

Taamaattumik meeqqanut isiginnittariaaseq eqqumaffigisariaqarparput - meeqqat sungiusariaraangata nalusarparput takkutinnginnerminni susoqarsimanersoq.

Qisuariarnerat aallaavigalugu inerniliinissarput sissuertassavarput.

Taamaattumik meeqqanut sinaakkusiigaangatta eqqumaffigisassavarput qanoq ililluta toqqissisimasumik misigititsissaagut, qanoq qisuartariaaseqassaaqut immaqaluunniit qanoq oqaatsigut atorsinnaaneri eqqummaariffiginerullugit naveersinngikkaluarluta, meeqqanut peqataatitsilluta, qanilaassuseqarluta, toqqissisimasumik ineriartortitsilluta.

Slide 7 Meeqqanut isiginnittariaaseq

Meeqqanut isiginnittariaaseq tassaavoq

- Meeqqanut inuusuttunullu qanoq isiginnittariaaseqarnersugut
- Meeqqanut inuusuttunullu qanoq naapitsinerput
- **Meeqqat inuusuttullu pillugit ataatsimoortumik isiginnittaaseqarnikkut meeqqat inuusuttullu pillugit suliaqartut tamarmik ataatsimoortumik paasisimasaqalersinnaapput meeqqanut inuusuttunullu naapitseriuseqalersinnaapput**
- Ataatsimoortumik tunngaviliisinaavoq - Meeqqat pillugit isummanik assigiaarnerusunik paasinneqatigiissinnaanngorluta
- Meeqqanik sullissigaanni suleqateqaraanniluunniit paasiuminartunik sinaakkusiisinnalluni
- Meeqqanut isiginnittariaaseq meeqqanik inuusuttunillu qanoq ililluta peqataasitsinissatsinnut, tusarnaarnissatsinnut aamma iliuuseqarnissatsinnut pitsaanerpaaffissanik aamma anguniakkanik inisseeqataasinaavoq.

Slide 8 Marlukkaarluni eqqartuineq (ca. 2 min.) kingorna ataatsimut eqqartorlugit

Massakkut marlukkaarlusi eqqartussavarsi ilissi nammineq meeqqanut isiginnittaasarsi qanoq innersooq. Meeqqat qanoq pissusilersorfigineqassanersut isummasi annillugit.

Marlukkaarlutik eqqartuereerpata:

Suna eqqartorpisiuk? *Eqqimattat ataasiakkaat aperineqassapput:*

Isiginnittaasissinnik assigiittoqarpa? Imaluunniit suna isumaqatigiinngissutigivisiuk?

Eqqartuinerup siunertarivaa ersarissarniarlugu meeqqanut isiginnittariaaserput assigiinngittorujussuusoq. Taamaattumik iluamik sinaakkusersuissagutta assigiimmik isiginnittariaaseqartariaqarpugut.

Slide 9 Meeqqat sooq pisinnaatitaaffeqarpat?

Nuarsuarmi meeqqat illersorniarlugit ajunnginnerpaamillu inuuneqarnissaat anguniarlugu meeraq pisinnaatitaaffeqarpoq. (Meeraq inersimasuminngaaniik sanngiinnerugami taamaattumik inuunerissappat illersortariaqarparput).

Inersimasut taanna akisussaaffigaat. Inersimasut meeqqanut akisussaasuupput.

Pisinnaatitaaffeqarneq isumaqanngilaq killeerunneq. Inersimasut akisussaaffigaat meeqqanut pitsaanerpaamik killiliinissaq.

Pingaarteqarpoq meeqqat pisinnaatitaaffitik ilisimaarissagaat.

Meeqqat pisinnaatitaaffigaat tusaaneqarnissartik, isumasiorneqarnissartik, peqataatinneqanissartillu, taamaasiornikkut meeqqat ineriartornerannut nukittorsaataasarpog aammalu imminnut tatiginerulersarlutik.

Slide 10 Eqqartueqatigiinneq (Qulequttat aallaavigisassaam ammalortulikkat takutikkitt)

Massakkut meeqqat pisinnaatitaaffii eqimattani eqqartulaassavasi. Meeqqat pisinnaatitaaffiini ammalortulersimasuni immikkoortut sorliit pingaartutut isigivigit? Eqimattani eqqartorsiuk pisinnaatitaaffinni suna pingaarteqartutut isiginerlugit, nassuiaaserlugillu sooq pingaarteqarnersut?

Suliassaq siulleg (Slide 10) (Eqqartuineq ca. 5 min – ataatsimut ca. 5 min.)

Slide 11 GIF-ip meeqqanut isiginnittariaasaa

Meeqqat pisinnaatitaaffii pillugit tusaqqammerparsii aammalu sooq pisinnaatitaaffeqarnersut. Takuarput assigiinngitsunik isiginnittariaaseqarsinnaasugut, suna pingaarteqarnersog qanorlu meeqqat naapissanerigut. Taammaammat Ataatsimoorluta Aalasa aqqutigalu GIF-ip meeqqanut isiginnittariaasaa ineriartortinneqarnikuuvoq sungiusaasut, kajumissutsimik suliaqartut, meeqqat, peqatigiiffiit kattuffiillu peqatigalugit GIF-illu siulersuisuiniit akuerisaanikuulluni.

Peqatigiiffittut meeqqanut isiginnittariaaseq sungiusarnermi ataatsimoorfinnilu sinaakkutaassaaq eqqumaffigineqassallunilu.

Slide 12 GIF-ip meeqqanut isiginnittariaasaa [Se slide + plakat + folder](#)

Qulequttat tamarmik itinerusumik nassuiaaserlugit allanneqarnikuupput.

GIF-ip meeqqanut isiginnittariaasaa plakaateq tunniuguk

Slide 13 Sungiusartarnissinni meeqqanut isiginnittariaaseq (ca. 10 min)

Taakku nassuiaatit atorlugit suliaakkiissummi immersugassaaq eqqartueqatigiillusi immersorsiuk. Sungiusaanissinni qanoq ilillusi GIF-ip meeqqanut isiginnittariaasaa malillugu suut eqqumaffiginissaanut atorsinnaanersi.

Ulluinnarni sungiusaanissinninngaani assersuummik atuisinnaavusi imlt. nutaanik isumassarsianik peqarussi atugassatut allassinnaavasi.

Suliassaq (Slide 13)

Slide 14 Sooq meeqqanut isiginnittariaaseq pingaarteqarpa? (OBS spring over, hvis det allerede er sagt)

Meeqqanut isiginnittariaaseq pingaarteqarpoq ataatsimoorfinni meeqqat qanoq naapinnerlugit peqataatinneqartutut toqqissimasutullu misiginerannut aaliangeeqataammat.

Tamatta meeqqanut isiginnittariaaseq eqqumaffigutsigu pitsaanerpaamik meeqqanut ataatsimoorfinni pilersitsisnaavugut. Sinaakkusiilluarutta meeqqat inuunerinnissaanut ikorfartueqataassaagut pitsaasumik ineriartornissaanut periarfissillugit.

Tamaattumik meeqqanut isiginnittariaaseq pingaarteqarpoq sinaakkusiinermi paaseqatigiinnermik pilersitsisnaagami, meeqqanut sullissinermi toqqammaviulluni taavalu meeqqanut qanoq ilionnissamut ersarissumik sinaakkutaalluni.

Slide 15 Meeqqat qanoq oqariartuuteqarpat?

Massakkut inersimasutut meeqqanut isiginnittaaserput ingerlatereerlugu meeqqat qanoq oqariartuuteqarnersut aamma paasisaqarfigilaassavagut..

Meeqqat timersogatigiiffinni peqataasartut pillugit misissuisoqarnikuuvoq meeqqat suna nuannarineraat aammalu pingaartinneraat. Aakulu oqariartuutaat:

Siullertut meeqqat timersoriartarput

1. nuannisarnissaq pinerullugu
2. nammineq piginnaasatigut pitsaanerulernissaq
3. kammalaatillu ilaginissaat pingaartippaat.
4. sungiusaasut pikkorissuunissaat
5. meeqqat namminneq qasujaannissartik
6. aammalu unamminernut ilaanissaq
7. Meeqqat takkuttartut amerlanerit ajugaanissaq kingullertut inississimavaat.

Sungiusarneq taamaammat ajugaanissaannarmut tunngassanngilaq. Sungiusarnerup nuannersuunissaa eqqumaffigissavarput meeqqat pitsaanerumik peqataassappata. Meeqqanik apersuinitisinni assersuutitut nivarsiaqqap oqaatigissimasaa; sungiusarnermi tamatigut pinnguartaasarlutik, pinnguarnerminnilu ”nalusaminnik” teknikkigissisimallutik. Attortaallutik arpalaartarput sukkassuseq allanngoqattaarlugu taamaalillutik sukkatsisarsimallutik sangorataarsinnaallutillu. Taamaammat meeqqat nuannisarnissaat eqqaamassavarput.

Meeqqanik sullissaqartilluta meeqqanut isiginnittaatsimik ineriartortitsivugut meeqqat ataatsimoorfiini sinaakkutaasut pitsaasut eqqumaffigineqarneri nukittorsarniarlugit.

Slide 16 Ataatsimoorfiit toqqissisimasut peqataatitsisullu

Timersogatigiiffinni ataatsimoorfinnilu tamani peqataanissaq kajuminnartuussappat peqataatitsinissaq toqqissisimasumillu sinaakkuteqarnissaq pingaaruteqarput.

Tassani sammissavagut inersimasut toqqissisimanermik pilersitsisut aammalu ataatsimoorfinni tikilluaqqusillu arnerup pingaarutaa.

Taamaammat ilissi ilisimasasi piginnaasasilu misilittagareriikkasi atorluarsigit ineriartorteqqillugillu.

Qanoq ilillusi meeqqat peqataatinnerusinnaanerlugit ingerlatitsiinnarnissaannillu qulakkeerinninnissassinnut alapernaagitsi qanorlu ikiussanerlugit eqqarsaasersorfigisarlugit.

Workshopimi uani ilissi piginnaariikkasi ineriartortinneqassapput, meeqqat ineriartornerat atugarissaarnerallu ukkatarinerunissaannut uagut isumassarsiffissatut ingerlatitseeqqissaagut.

Ilissi sungiusaasarnissinni qanimut suleqateqarnersi allanngueqataasinnaanersilu atorluassavarsi.

Piginnaasasi, allanngueqataanersi, alapernaassinnaanersilu atorluarsigit!

Slide 17 Inersimasut toqqissisimanermik pilersitsisut

Inersimasooq toqqissisimanermik pilersitseqataasooq tassaavoq peqataasunut tamanut inissaqartitsisoq, meeqqat piginnaasaannik immikkoortiterinani assigiinngissusaanilli atorluaasooq. Inuk tusarnaarsinnaasooq ataatsimoorfinnilu assigiimmik sinaakkutalersuisooq.

Assammik arstartooq sungiusaasorlu Akutaaneq Kreutzmannip soorlu oqariartuutigaa: *”Pingaaruteqarpoq sungiusaasooq meeqqap piginnaasai aallaviginagit kinaaneramik paasinnissinnaasooq ataqqinnissinnaasorlu. Meeqqap kinaassusaa pingaaruteqarlunnarpoq!”*

Inersimasooq toqqissisimasumik pilersitseqataasooq meeqqat pitsaasumik peqqinnartumillu ineriartornerannut sunneeqataasuvoq. Timikkut eqqarsartaatsikkullu.

Ataatsimoorfinni toqqissisimasumik tamanullu peqataatitsisumik pilersitsigutta ataatsimoorfiit meeqqat kajumigisaat pilersissavagut taamaalilluni meeqqat amerlanerusut peqataatissinnaassallugit.

Slide 18 Sooq tikilluaqqusilluarneq pingaaruteqarpa?

Toqqissisimasumik pilersitsiniaraanni tamanut tikilluaqqusilluarneq pingaaruteqarpoq. Tikilluaqqusilluarneq, peqataatitsilluarneq ataatsimooritsinerlu tamarmik ataqatigiipput. Taakku ingerlalluarutsigit amerlanerusut peqataalernissaat angusinnaavarput. Pissutigalugu ataatsimoorfimmi takuneqartutut tikilluaqquneqartutullu misigigaangatta takkuteqqinnissaq kajuminnarsisarmat.

Slide 19 Tikilluaqqusilluarneq ataqatigiissaarineruvoq

Tikilluaqqusilluarneq imaaginnanngilaq takkunnermi tikilluaqqusineq. Tikilluaqqusilluarnerli ataqatigiissaarineruvoq ataatsimoornerup ingerlanera tamaat isiginiarneqassalluni. Ataatsimoorinissaq sioqqullugu qanoq tikilluaqqusilluarnissat eqqarsaatigiuk piareersimaffigilluarlugulu. Takkunnermi qanoq iliutsit aammalu sungiusarnermi pissutsit eqqarsaatigikkit. Kingornalu naammasinnermi qanoq ataatsimoorfimmiik naammasinnerlusi.

Nammineq assersuusiorit. Soorlu sioqqullugu qanoq, naapinnermi qanoq, kingornalu qanoq.

Slide 20 Qanoq iliorluta? Marlukkaarluni allattuineq qanoq iliorsinnaanermik (ca. 5-10 min.)

Saqqummiussaniit eqqartorneqartut sungiusaanermi atorsinnaasasi allattorsigit. Allattukkasi taakku workshop 2 ingerlatinnginnerani sungiusaanissinni maluginiarumaarpasi arlaatigut atorneqarlugit.

Suliassaq (Slide 20)

Slide 21 Eqikkaaneq

- Meeqqat **tamarmik** inuunerissaarnissamut pisinnaatitaaffeqarput
- Timersorneq meeqqat inuusuttullu inuunerissaarnissaanut pingaaruteqarluartut ilagaat aammalu meeqqat inuusuttullu inuunerissaarnissaannut qulakkeerinneqataassalluni
- Nunatsinni illit sungiusaasutut kajumissutsimilluunniit sulisutut toqqissisimanartumik ataatsimoorfimmi pilersitseqataanikkut meeqqat ineriartornerannut peqqinartumillu aallaaviannut **toqqammavileeqataavutit**
- Inersimasoq timersornermi toqqissisimanartumik pilersitseqataasoq – **ataasiinnarluunniit** – meeqqamut angerlarsimaffimmi toqqissisimanngitsumut **allanngueqataasinnavoq**.
- Ilisimasasi piginnaasasilu atorluarsigit ataatsimoorfinnilu sulinersi isumaqarluartoq ingerlateqqillugu!

Slide 22 Nammineq immersuineq (ca. 3 min.)

Pikkorissartut qulequttat namminneq immersussavaat

Suliassaq (Slide 22)

Slide 23 Tullissaani

Ullumikkut ilikkakkasi aallaavigalugit meeqqat akornani qanimut misileraassaasi. Taakku misilerakkasi workshop 2-mi qaqqinneqassapput ataatsimillu sinaakkuseeqatigiinnissamut iluaqutaassallutik.

Tullissaani uku eqqartussavagut: inersimasut toqqissisimanermik pilersitsisut, tikilluaqqusilluarneq aammalu eqqarsartaatsikkut peqqissuunermut ABC.

Slide 24 Suut ingerlateqqissavagut

Una suliakkiissutini kingulleq tullissaanimut nammineq immersorumarparsi, sungiusartarnissinniit, ataatsimooritsisarnissinniit suut iluatsittut attatiinnassanerlugit suullu isumassarsiasi atorsinnaasasi ineriartortissinnaanerlugit.

Slide 25 Qujanaq

Tamassinnut qujanaq peqataasinnaagassi, meeqqallu ataatsimoorfianni pitsaasumik toqqissisimanartumillu sinaakkusiinissamut pilersitseqataanissamut suleqataarusukkassi.

Assut nuannaarutigaarput soqutiginnillusi aggersinnaagassi aammalu piginnaasasi soqutigisasi tusarfigalugit assut nuannerpoq isumassarsinarlunilu.

Piginnaasasi atorluarlugit ingerlatsinersi ingerlatiinnarisiuk, neriuppugullu arlaatigut maani aamma isumassarsiassanik tunisimassallusi siunissami atorluarsinnaasassinnik.

Ataatsimullu kivitseqatigiinnissarput ingerlattuarisigu J

Tullissaani naapeqqinnissassinnut qilanaarpugut.

Arlaat arlaannik oqaasissaqarpa?

**Ataatsimut assiliinissaq eqqaamallugu + diplom*